

GRADSKO VIJEĆE  
07.11.2023

PREDSJEDAVAJUĆI			
Ime i Prezime	Broj	Prezime	Vrijeme
01-SV-09-1649/23			

**Jasmin Ademović, predsjedavajući Gradskog vijeća,  
u funkciji gradskog vijećnika i  
Vedad Deljković, gradski vijećnik**

**GRADSKO VIJEĆE  
PREDSJEDAVAJUĆI GRADSKOG VIJEĆA**

U skladu s članom 19. Poslovnika Gradskog vijeća, podnosi se sljedeća inicijativa.

Potrebno je da Gradonačelnica pri predlaganju budžeta Grada Sarajeva za 2024. godinu, planira sredstva u iznosu od 50.000,00 KM za pomoć građanima Gaze.

Traži se da gradski vijećnici podrže ovu inicijativu kako bi ona postala inicijativom Gradskog vijeća.

**Obrazloženje**

Budući da na 33. sjednici, Gradsko vijeće razmatra Nacrt Budžeta Grada Sarajeva za 2024. godinu s ciljem da ga uputi u javnu raspravu, još uvijek postoji mogućnost da Grad Sarajevo planira sredstva u budžetu za sljedeću godinu koja će biti namijenjena za pomoć građanima Gaze. Ovaj iznos je simboličan u odnosu na onaj potreban građanima Gaze, ali toliko Grad Sarajevo zasigurno može izdvojiti. To je najmanje što Grad Sarajevo može uraditi da i na ovaj način, iskaže podršku građanima Gaze.

U Sarajevu, 07.11.2023. godine

**Jasmin Ademović, predsjedavajući Gradskog vijeća,  
u funkciji gradskog vijećnika**

Bosna i Hercegovina - Federacija Bosne i Hercegovine  
Kanton Sarajevo - GRADSKO VIJEĆE  
GRADSKO VIJEĆE

PRILIK: BROJ:	20. NOV. 2023.
OPREMLJENI DOK:	PRIPIS: ODRZAN
01-GV-02-1797/23	

**GRADSKO VIJEĆE  
PREDSJEDAVALJUĆI GRADSKOG VIJEĆA**

U skladu s članom 19. Poslovnika Gradskog vijeća, podnosim sljedeću inicijativu:

Upućujem inicijativu Kantonu Sarajevu, putem Gradskog vijeća Grada Sarajeva, da se jedna od staza na olimpijskoj planini Bjelašnici (po mogućnosti staza za veleslalom) nazove Jure Franko.

Tražim da gradski vijećnici podrže ovu inicijativu kako bi ona postala inicijativom Gradskog vijeća.

**Obrazloženje**

Bivši jugoslovenski skijaš u alpskom skijanju Jure Franko osvajač je srebrene medalje u veleslalomu na XIV zimskim olimpijskim igrama 1984. godine u Sarajevu. To je bila prva medalja koju je osvojio neko iz Skijaške reprezentacije Jugoslavije. Dobitnik je priznanja „Počasni građanin grada Sarajeva“ na sjednici održanoj 30. Septembra 2020. godine

Također, Franko je 2006. godine pokrenuo inicijativu u saradnji sa Skijaškim savezom BiH, te o svom trošku odveo 15 djece iz "Kinder sela" na Zimske olimpijske igre u gradu Sestriere u Italiji, te je nedvojben njegov značaj u promociji duha olimpizma Sarajeva.

U Sarajevu, 14.11.2023. godine

Jasmin Ademović



Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

*Odbor za lokalni biznis i turizam*

Broj: 04-GV-04-1719-2/23  
Datum, 13.09.2023. godine

Odbor za lokalni biznis i turizam Gradskog vijeća Grada Sarajeva, na 24. sjednici održanoj 15.11.2023. godine, u funkciji pripreme 33. sjednice Gradskog vijeća Grada Sarajeva, razmatrao je:

## 2. Vijećnička pitanja i inicijative

i podnosi Gradskom vijeću Grada Sarajeva sljedeći:

### *IZVJEŠTAJ*

#### *TAČKA 30.*

#### *Vijećnička pitanja i inicijative*

Poslije rasprave, te sažetka predsjedavajućeg, Odbor za lokalni biznis i turizam je jednoglasno usvojio sljedeće **zaključke**:

Odbor za lokalni biznis i turizam upućuje inicijativu, putem Gradskog vijeća, nadležnim Federalnim, Kantonalnim i općinskim organima da poduzmu određene mjere i aktivnosti s ciljem zaštite Spomen parka „Vraca“ od daljnjeg propadanja i namjerne devastacije, te upućuje inicijativu gradonačelnici da koordinira aktivnosti nadležnih organa u Federaciji, Kantonu Sarajevo i gradskim općinama s ciljem formulacije projekta rekonstrukcije, a zatim i upravljanja Spomen parkom „Vraca“.

Odbor za lokalni biznis i turizam upućuje, putem Gradskog vijeća, inicijativu nadležnom inspeksijskom organu Federacije BiH da izvrši inspeksijski nadzor i evidentira stanje Spomen kompleksa „Vraca“, te nalaz dostavi nadležnom Federalnom organu u skladu sa zakonskim i drugim propisima.

*PREDSJEDAVALA ODBORA*

*Nermin Džino, s.r.*

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

## *Komisija za ljudska prava i slobode*

Broj: 04-GV-04-1708-3/23

Datum, 14.11.2023. godine

Komisija za ljudska prava i slobode Gradskog vijeća Grada Sarajeva, na 27. sjednici održanoj 14.11.2023. godine u funkciji pripreme 33. sjednice Gradskog Vijeća Grada Sarajeva, razmatrala je:

### 3. Tekuća pitanja

i podnosi Gradskom vijeću Grada Sarajeva sljedeći:

## *IZVJEŠTAJ*

### *TAČKA 30.*

#### *Vijećnička pitanja i inicijative*

Poslije diskusije, te sažetka Predsjedavajućeg, Komisija za ljudska prava i slobode jednoglasno je usvojila sljedeći **zaključak**:

Komisija za ljudska prava i slobode upućuje inicijativu gradonačelnici, putem Gradskog vijeća, da se obrazac koji je postavljen na službenoj internet stranici Grada Sarajeva, putem kojeg se građani mogu obračati u smislu zaštite ljudskih prava, na stranici postavi tako da odmah bude dostupan građanima, odnosno da se vidi da takav obrazac postoji čim se stranica otvori.

*PREDSJEDAVALAČI  
KOMISIJE ZA LJUDSKA PRAVA I SLOBODE*

*Srđan Srdić, s.r.*





Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

*Odbor za javne službe, infrastrukturu i javni saobraćaj*

Broj: 04-GV-04-1710-2/23  
Sarajevo, 14.11.2023. godine

Odbor za javne službe, infrastrukturu i javni saobraćaj Gradskog vijeća Grada Sarajeva, na 30. sjednici održanoj 14.11.2023. godine, u funkciji pripreme 33. sjednice Gradskog vijeća Grada Sarajeva, razmatrao je:

2. Tekuća pitanja

i podnosi Gradskom vijeću Grada Sarajeva sljedeći:

*IZVJEŠTAJ*

*TAČKA 30.*

*Vijećnička pitanja i inicijative*

Poslije diskusije, Odbor za javne službe, infrastrukturu i javni saobraćaj jednoglasno je usvojio sljedeći **zaključak**:

Odbor za javne službe, infrastrukturu i javni saobraćaj putem Gradskog vijeća upućuje inicijativu Ministarstvu saobraćaja Kantona Sarajevo da donese odgovarajući akt, kojim će utvrditi manifestacije, odnosno događaje u povodu kojih redovno svake godine utvrđuje izmjenu režima saobraćaja (obustava) i takav akt učini javno dostupnim građanima.

*PREDSJEDAVAJUĆI ODBORA*

*Ratko Orozović, s.r.*





Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

## *Odbor za urbanizam i upotrebu lokalnog zemljišta*

Broj: 04-GV-02-1723-2/23  
Sarajevo, 15.11.2023. godine

Odbor za urbanizam i upotrebu lokalnog zemljišta Gradskog vijeća Grada Sarajeva, na 32. sjednici održanoj 15.11.2023. godine, u funkciji pripreme 33. sjednice Gradskog vijeća Grada Sarajeva, razmatrao je:

### 2. Tekuća pitanja

i podnosi Gradskom vijeću Grada Sarajeva sljedeći:

## *IZVJEŠTAJ*

### *TAČKA 30.*

#### *Vijećnička pitanja i inicijative*

Poslije diskusije te sažetka Predsjedavajućeg, Odbor za urbanizam i upotrebu lokalnog zemljišta, jednoglasno je usvojio sljedeći **zaljučak**:

Odbor za urbanizam i upotrebu lokalnog zemljišta putem Gradskog vijeća Grada Sarajeva upućuje inicijativu nadležnim organima Kantona Sarajevo da ponovo razmotre podijelu nadležnosti, te Zakonom utvrde donošenje regulacionih planova u nadležnost Grada Sarajeva ali tako da se Gradu Sarajevu prenesu odgovarajuća sredstva za izradu regulacionih planova.

Odbor za urbanizam i upotrebu lokalnog zemljišta traži da se Gradsko vijeće izjasni ovoj inicijativi kako bi postala inicijativa Gradskog vijeća.

*PREDSJEDAVALJUĆI ODBORA*

*Ismir Smajić, s.r.*





Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

## *Komisija za odnose s vjerskim zajednicama i crkvama*

Broj: 04-GV-04-1721-2/23

Datum, 15.11.2023. godine

Komisija za odnose s vjerskim zajednicama i crkvama Gradskog vijeća Grada Sarajeva, na 24. sjednici održanoj 15.11.2023. godine, u funkciji pripreme 33. sjednice Gradskog vijeća, razmatrala je:

### 2. Tekuća pitanja

i podnosi Gradskom vijeću Grada Sarajeva sljedeći:

## *IZVJEŠTAJ*

### *TAČKA 30.*

#### *Vijećnička pitanja i inicijative*

Poslije rasprave, te sažetka predsjedavajućeg, Komisija za odnose sa vjerskim zajednicama i crkvama je jednoglasno usvojila sljedeće **zaključke**:

Komisija za odnose sa vjerskim zajednicama i crkvama upućuje inicijativu, putem Gradskog vijeća, da razmotri mogućnost izrade vjerskog turističkog vodiča za Grad Sarajevo te da o tome informira Gradsko vijeće s tim da se i u Budžetu Grada Sarajeva planiraju sredstva za realizaciju ovog projekta. Komisija je ranije uputila ovu inicijativu Turističkoj zajednici Kantona Sarajevo, ali se Turistička zajednica o toj inicijativi nije očitovala.

*PREDSJEDAVAJUĆI KOMISIJE*

*Alem Logo, s.r.*

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

## *Komisija za odnose s vjerskim zajednicama i crkvama*

Broj: 04-GV-04-1721-3/23

Datum, 15.11.2023. godine

Komisija za odnose s vjerskim zajednicama i crkvama Gradskog vijeća Grada Sarajeva, na 24. sjednici održanoj 15.11.2023. godine, u funkciji pripreme 33. sjednice Gradskog vijeća, razmatrala je:

### 2. Tekuća pitanja

i podnosi Gradskom vijeću Grada Sarajeva sljedeći:

## *IZVJEŠTAJ*

### *TAČKA 30.*

#### *Vijećnička pitanja i inicijative*

Poslije rasprave, te sažetka predsjedavajućeg, Komisija za odnose sa vjerskim zajednicama i crkvama je jednoglasno usvojila sljedeće **zaključke**:

Komisija za odnose sa vjerskim zajednicama i crkvama upućuje inicijativu gradonačelnici, putem Gradskog vijeća, da ubuduće uputi poziv Komisiji za odnose sa vjerskim zajednicama i crkvama kada organizira prijem za predstavnike Multireligijskog vijeća BiH. Ova komisija je više puta inicirala održavanje sastanaka Međureligijskog vijeća sa predstavnicima Grada Sarajeva, uz zahtjev da sastancima prisustvuju članovi ove komisije. Predstavници komisije nisu dobili poziv za ove sastanke niti su bili informisani o njihovom održavanju.

*PREDSJEDAVAJUĆI KOMISIJE*

*Alem Logo, s.r.*







Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

## *Komisija za spomenike*

Broj: 04-GV-04-1749-4/23  
Sarajevo, 20.11.2023. godine

Komisija za spomenike Gradskog vijeća Grada Sarajeva, na 34. sjednici održanoj 20.11.2023. godine, u funkciji pripreme 33. sjednice Gradskog vijeća Grada Sarajeva, razmatrala je:

### 4. Tekuća pitanja

i podnosi Gradskom vijeću Grada Sarajeva sljedeći:

## *IZVJEŠTAJ*

### *TAČKA 30.*

#### *Vijećnička pitanja i inicijative*

Poslije diskusije, na prijedlog zamjenika Predsjedavajućeg, Komisija za spomenike je jednoglasno usvojila sljedeći **zaključak**:

Komisija za spomenike upućuje inicijativu Gradonačelnici putem Gradskog vijeća Grada Sarajeva da utvrdi jedinstven format spomen-ploče koja se podiže s ciljem obilježavanja istorijskih događaja odnosno osoba od značaja za Grad Sarajevo, te ukoliko je to potrebno predloži dopunu člana 19. Odluke o spomenicima od značaja za Grad Sarajevo ili predloži posebnu odluku Gradskom vijeću Grada Sarajeva kojom će se usvojiti format takve ploče.

*ZAMJENIK PREDSJEDAVALJUĆEG KOMISIJE*

*Edin Veletovac, s.r.*



**NAŠA  
STRANKA**

Politička organizacija građana "Naša stranka"  
Branilaca Sarajeva 5/1, 71 000 Sarajevo  
Telefon: 033 408 888; Fax: 033 408 881  
E-mail: nasastranka@nasastranka.ba  
Web: www.nasastranka.ba

Bosna i Hercegovina-Federacija Bosne i Hercegov.  
Grad Sarajevo - GRAD SARAJEVO  
GRADSKO VIJEĆE

22 NOV 2023		
	Prinos	Vrijednost
01-GV-02-1758/23		

Alen Girt, vijećnik

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
Gradsko vijeće Grada Sarajeva  
n/r predsjedavajući, Jasmin Ademović

uputiti: gradonačelnica Benjamina Karić i  
Gradska služba za obrazovanje, kulturu, sport i mlade

PREDMET: VIJEĆNIČKA INICIJATIVA

Poštovani\_e, Na osnovu člana 19. Poslovnika Gradskog vijeća Grada Sarajeva koji propisuje pravo vijećnika da podnosi inicijative, upućujem vijećničku inicijativu za uvrštavanje Novogodišnjeg koncerta Sarajevske filharmonije u formalni program proslave Nove Godine koje organizira grad Sarajevo.

OBRAZLOŽENJE: Ovakav događaj bi obogatio ponudu grada Sarajeva u vrijeme kada je grad pun turista a bio bi jedinstvenu ovom dijelu Evrope. Početak i završetak ovog događaja bi bio usaglašen sa ostatkom Novogodišnjeg programa koji grad Sarajevo tradicionalno pravi i čime je postalo jedno od najpopularnijih destinacija za doček Nove Godine. Uz tradicionalan koncert u Narodnom Pozorištu bio bi organizovan i prenos uživo na trgu Susan Sontag besplatno za sve naše građane i turiste grada. Bužet za ovakvu aktivnost prema trenutnim troškovima iznosi 60 000 KM.

Alen Girt vijećnik Kluba Naše stranke  
Sarajevo, 21.11.2023.

S poštovanjem,

Alen Girt



Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

*Administrativna komisija*

Broj: 04-GV-04-1763-2/23

Sarajevo, 23.11.2023. godine

Administrativna komisija, na 60. sjednici održanoj 23.11.2023. godine, u funkciji pripreme 33. sjednice Gradskog vijeća Grada Sarajeva razmatrala je:

1. Tekuća pitanja

i podnosi Gradskom vijeću Grada Sarajeva sljedeći:

*IZVJEŠTAJ*

*TAČKA 30.*

*Vijećnička pitanja i inicijative*

Nakon diskusije i sažetka zamjenika Predsjedavajućeg, Administrativna komisija je donijela sljedeći **zaključak**:

Administrativna komisija upućuje inicijativu Graonačelnici da razmotri mogućnost da se osnovica za obračun plate u 2024. godini u organima Grada Sarajeva poveća u skladu sa povećanjem vrijednosti „Sindikalne korpe“


*ZAMJENIK PREDSJEDAVALJUĆEG KOMISIJE*

*Alen Girt, s.r.*

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





**MUAMER MEKIĆ, Šef Kluba gradskih vijećnika SDP**

**GRADSKO VIJEĆE GRADA SARAJEVA  
PREDSJEDAVALAČI GRADSKOG VIJEĆA**

**Predmet: Inicijativa**

U skladu sa članom 148. Poslovnika Gradskog vijeća Grada Sarajeva ("Službene novine Kantona Sarajevo", broj 28/09, 11/20 i 19/20), podnosim sljedeću

### **INICIJATIVU**

Zadužuje se gradonačelnici Grada Sarajeva da se u okviru Javnog dočeka Nove 2024. godine po prvi put omogući održavanje Novogodišnjeg koncerta Sarajevske filharmonije u okviru Javnog dočeka na način da će isti pored gledalaca u dvorani audio i vizuelno moći pratiti građani koji će se nalaziti ispred objekta, te da se za realizaciju Inicijative koriste sredstva predviđena Budžetom Grada Sarajeva za potrebe Javnog dočeka, kao i sredstva od sponzorstva dobivena u ove svrhe (Javni doček Nove godine).

### **Obrazloženje**

Poznata nam je činjenica da Sarajevska filharmonija tradicionalno održava svoj popularni Novogodišnji koncert kojim Filharmoničari ispraćaju staru i dočekuju Novu godinu. Za ovaj događaj uvijek je vladalo veliko interesovanje naših sugrađana. Obzirom na naprijed navedeno, mišljenja sam da bi pored centralnog događaja bilo poželjno da Grad Sarajevo preuzme organizaciju ovog koncerta kako bi isti po prvi put bio održan u okviru Javnog dočeka Nove godine. Za realizaciju Inicijative koristit će se sredstva planirana Budžeto Grada Sarajeva za 2023. godinu za organizaciju Javnog dočeka, kao sredstva od sponzora dobivena u ove svrhe.

**Molim Gradsko Vijeće da Inicijativu podrži kako bi shodno odredbi člana 148. stav (3) Poslovnika Gradskog vijeća postala inicijativom Gradskog vijeća.**

**MUAMER MEKIĆ**

Sarajevo, 23.11.2023. godine

PRIMLJENO: 28.01.2023			
Org. jed.	Broj	Prilog	Vrijednost
01-GV-02-	1789/	23	

GRADSKO VIJEĆE GRADA SARAJEVO

n/r Jasmin Ademović, predsjedavajući GV

n/r Benamina Karić rođ Londrc

Predmet: Inicijativa-, dostavlja se

Poštovani gosp. Ademović,

Na osnovu člana 19. Poslovnika Gradskog vijeća („Službene novine Kantona Sarajevo“, broj 34/08, podnosim Gradskom vijeću vijećničku inicijativu:

Da se renovira staza i okretaljka oko obdaništa „Aprilski cvjetovi“. Veliki broj mališana koristi park prekoputa obdaništa i tu se igraju. Molim da Grad Sarajevo izvrši restauraciju pomenutih dijelova parka.

Sarajevo  
25.01.2023.godine

Vijećnik gradskog vijeća  
Dr Samir Bejić

PRIMLJENO:		28. NOV. 2023	
Org. jed.	Broj	Prijava	Vrijednost
01-GV	02-1789		1/23

GRADSKO VIJEĆE GRADA SARAJEVO

n/r Jasmin Ademović, predsjedavajući GV

n/r Benamina Karić rođ Londrc

Predmet: Inicijativa-, dostavlja se

Poštovani gosp. Ademović,

Na osnovu člana 19. Poslovnika Gradskog vijeća („Službene novine Kantona Sarajevo“, broj 34/08, podnosim Gradskom vijeću vijećničku inicijativu:

Da Grad Sarajevo dodijeli ( donira ) nagradu u vrijednosti od 10 hiljada KM Mustafi Hodžiću( stanovniku opštine Novo Sarajevo) maloljetnom demobilisanom borcu,invalidu 70 % armije BiH,više puta ranjavan,koji će ako Bog da u decembru ove godine po stoti – rekordni put donirati krv. Naš grad ima veliki broj heroja, velikih ljudi,mnogih doborčinitelja. Jedan od njih je i Mustafa Hodžić.Osim što je do sada 99 puta darivao krv ( što trombocite izolovane što druge elemente krvi) Mustafa je i sportski radnik. Predsjednik je škole fudbala ( akademije ) Healthy future koja broji nekih 150 dječaka i djevojčica ( gdje više od 50 % djece potpuno besplatno trenira). Siguran sam da će Grad Sarajevo osim zahvalnice i plakete uručiti nagradu gospodinu Mustafi Hodžiću koju on itekako zaslužuje. Podsjećanja radi, muškarci mogu svaka 3mjeseca darivati krv ( ako su potpuno zdravi,bez terapije itd) a žene zbog ciklusa svaka 4 mjeseca. Prostim matematikom dolazimo do rezultata da se mora 25 godina uzastopno bez prekida darivati krv ukoliko želimo doći do trocifrenog broja, Smatram da Grad Sarajevo treba prepoznati vrijednost i veličinu ovakvih dijela.

Sarajevo  
25.01.2023.godine

Vijećnik gradskog vijeća  
Dr Samir Bejić

PRIMLJENO: 26.1.2023			
Org. kod.	Služ.	Prilog	Vijećnik
01-GV-02-1789-			2/23

## GRADSKO VIJEĆE GRADA SARAJEVO

n/r Jasmin Ademović, predsjedavajući GV

n/r Benamina Karić rođ Londrc

Predmet: Inicijativa-, dostavlja se

Poštovani gosp. Ademović,

Na osnovu člana 19. Poslovnika Gradskog vijeća („Službene novine Kantona Sarajevo“, broj 34/08, podnosim Gradskom vijeću vijećničku inicijativu:

Da se Franjevačkoj teologiji na području naselja Nedžarići – Ulica Aleje Bosne Srebrene 111 doznače sredstva u iznosu od 50 000 KM( konvertibilnih maraka) radi regulisanja grijanja.

OBRAZLOŽNJE: Franjevačka teologija je jedina visokoškolska ustanova na području opštine Novi Grad. Na toj površini ne postoji niti jedan drugi fakultet. Franjevačka teologija je neprofitabilna organizacija, koja se finansira isključivo od donacija. Prošle godine na Franjevačkoj teologiji svečano je restauriran i otvoren amfiteatar (čiju restauraciju su pomogli ministarstvo sporta i kulture na čelu sa ministrom Samirom Avdićem, te Grad Sarajevo na čelu sa gradonačelnicom Benjaminom Karić i predsjedavajućim GV Jasminom Ademovićem. Svi smo svjedočili svečanom otvorenju vrhunskog amfietatra sa multimedijalnom salom i svom pratećom opremom koja ispunjava sve standarde. Franjevci su prijatelji i čuvari Bosne i Hercegovine. Franjevačka teologija je uvijek otvorena kuća za sve građane naše domovine. Površina zgrada u kojima borave Franjevci na teologije se prostire na nekoliko hektara i mjesečni računi za grijanje iznose nekoliko desetina konvertibilnih maraka. Budući da je sezona grijanja već počela a cijene energenata su enormno skočile, mislim da je ovo najmanje i minimalno što grad može učiniti i pomoći za naše sugrađane i iskrene prijatelje. Inicirat ću da se ova stavka ( ukoliko se ne riješi kroz inicijative) nađe u budetu grada Sarajeva.

Sarajevo  
25.01.2023. godine

Vijećnik gradskog vijeća  
Dr Samir Bejić



28.10.2023  
01-GV-02-1792/23

## KLUB VIJEĆNICA\_KA NAŠE STRANKE

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
Gradsko vijeće Grada Sarajeva  
n/r predsjedavajući, Jasmin Ademović

uputiti: gradonačelnica Benjamina Karić i  
nadležna gradska služba

### PREDMET: VIJEĆNIČKA INICIJATIVA

Poštovani\_e,

Na osnovu člana 19. Poslovnika Gradskog vijeća Grada Sarajeva koji propisuje pravo vijećnika da podnosi inicijative, upućujem vijećničku inicijativu za **planiranje sredstava u Budžetu Grada Sarajeva u ukupnom iznosu od 200.000,00KM za humanitarnu pomoć civilnim žrtvama rata u Sudanu i Jemenu, agresije na Ukrajinu i afganistanskim izbjeglicama prisilno vraćenim iz Pakistana i Irana.**

#### OBRAZLOŽENJE:

Duže od sedam mjeseci nakon izbijanja razornog rata u Sudanu u kome je poginulo preko 10.000 ljudi, a raseljeni milioni, stručnjaci upozoravaju da se ova siromašna zemlja suočava s prijetnjom masovne gladi i raspada. U unakrsnoj vatri između vojske i paramilitarnih organizacija su sudanski civili, koji doživljavaju rastuću humanitarnu krizu. Napori međunarodne zajednice da posreduju u miru bili su nekoordinirani i neučinkoviti, pa samim tim i neuspješni.

UN i druge humanitarne organizacije upozoravaju kako bi najveća humanitarna kriza na svijetu mogla postati još teža. Milioni ljudi u Jemenu u očajničkoj su potrebi za hranom i lijekovima. UN i druge humanitarne organizacije upozoravaju kako bi najveća humanitarna kriza na svijetu mogla postati još teža.

Ujedinjeni narodi i partnerske agencije poslale su poziv Iranu i Pakistanu da odmah obustave masovne deportacije afganistanskih državljana, navodeći kao razloge početak oštre zime i pogoršanje humanitarne krize u Afganistanu. Poziv dolazi usred izvještaja da su Iran i Pakistan kolektivno protjerali više od 600.000 Afganistanaca u posljednja dva mjeseca, a broj deportiranih raste iz dana u dan. Međunarodna organizacija za migracije saopćila je u utorak da se skoro 375.000 Afganistanaca vratilo kući iz Pakistana preko graničnih prijelaza Torkham i Spin



Boldak između dvije zemlje. Vlasti afganistanskih talibana prijavile su više od 400.000 povratnika iz susjedne zemlje. U saopštenju IOM-a se navodi da se broj graničnih prelaza dramatično povećao sa 200 dnevno na 17.000 nakon što je pakistanska vlada naredila svim strancima bez dokumenata, uključujući oko 1,7 miliona Afganistanaca, da napuste zemlju do 1. novembra ili se suoče sa prisilnim protjerivanjem. Ljudi koji stižu u Afganistan su izuzetno ranjivi i potrebna im je hitna podrška na granici, kao i dugoročno u područjima povratka.

Postoji opasnost da se abnormalnost agresije Rusije na Ukrajinu normalizuje. Ukrajinsko civilno stanovništvo suočava se sa mnogostrukim stresovima: gubitkom voljenih ili strahom da će ih izgubiti; prekid školovanja; uzbune o zračnom napadu usred noći; veliki broj izbjeglica i interno raseljenih lica; poplavne vode iz brane Kahovka koje su nosile neeksplodirane nagazne mine u stambena područja; a civilne žrtve se procjenjuju na oko 30.000.

Adi Škaljić  
Predsjednik Kluba Naše stranke

Sarajevo, 28.11.2023.